## Hope.

The biblical quotation about "Faith, hope and love" of course names *love* as the greatest of the three.

Faith, an hope, an love, we're tellt will help us on oor way, an certainly I've ayeways felt that wis the game tae play.

But if aboot ma faith ye ask, I'd hae tae say I grieve it's never been an easy task tae make masel believe.

And in this world I ken sae weel, wi hate an horror loomin, it's difficult much love tae feel towards ma fellow human.

There's little consolation skitin doon life's slippery slope, but through the tribulation I can aye hing ontae hope.

An sae, there's faith, an hope, an love tae guide us aw, that's true; but for masel, I think it's hope will maybe see me through.